



Taropwen Ennetin Pworous ren Paxlovid: Ew Safei ren Aninisin COVID-19

(Ren Mei Semwen, Inn me Sam & Chon Tumwun)

Q: Met ei Paxlovid?

Paxlovid och safeian semwenin COVID-19 mei kisikis ika ese kon watte. Ewe U.S. Food me Drug Administration (FDA) a etiwa aean non ewe December 2021.

Q: Ion mei tongeni angei ei Paxlovid?

Paxlovid a kawor fan iten ekkewe aramas mei wor rer esisinen ewe semwen COVID-19 mei chok kukun ika ese kon watte wor:

- Ekkewe mei mwuk, ika semirit ir ier 12 ika nap seni ion pouner mei ukukun 88lbs. (40kg),
- Ra positive ar test ren COVID-19, me
- Ir mei nomw won watten efeiengawen semwen ren COVID-19.

Q: Epwe ifa ussun aean?

Paxlovid si kan unumi me non awach. Aean nge sipwe unumi unufou foun ei safei fan ruu non ew ran, non ukuukun nimwuu ran. Mei auchea an epwe okuueno unusen ewe 5-ranin un ei safei me sopweno ne akkanaemonuno ren met an chon public health ennuk. Aean Paxlovid esapw nuuseni 5 ran.

Q: Ion ESE tongeni epwe angei Paxlovid?

Paxlovid **ESAPW** fan iten ekkewe mei semwen ir mei:

- Watte ar semwenin emmunur
- Watte ar semwenin kidney
- Pochokun wor ar allergy ngeni ekkoch pwan sokkun ei safei

Ekkewe mei semwen mei wor rer ekkei sokkun semwen me asan, ika ekkewe mei ngaw ar repwe tumwunuw monun HIV rer, ir repwe porous ngeni nour kewe tokter me mwen repwe angei ei Paxlovid.

Q: Met kewe pekingawen ei Paxlovid?

Pekingawen ei safei mei pachenong:

- Angawano ika osukosuka ach tufichin neni mettoch
- Feinsen
- Napeno cha feita
- Metekitek non futuken inis

Paxlovid mei pwan tongeni epwe chufengen me pwan ekkoch safei. Ei iwe fan ekkoch mei forata an epwe efeiengaw ngeni emon. Kose mochen esinesin ngeni noumw we tokter ren **MEINISIN** sokkun safei en mei akangei me mwen kopwe angei ewe Paxlovid. Kose mochen pachenong sokkun safei kechok moni me non sitowa me pwan ekkoch supplement ren herbal.

Q: Met ESAPW pwan ina aean ew Paxlovid ngeni?

Paxlovid **ESAPW** aea fan iten:

- An epwe anisi ekkewe mei semwen ir mei niuing non pioing ren watten ar semwenin COVID-19
- Eppetin menun COVID-19.

Q: Pwan sopwosopwun pworous

Ika pwe mei wor omw kapas eis, kose mochen kokori noumw we tokter, no ngeni ewe website ren Paxlovid won www.COVID19oralRx.com ika kokori 1-877-219-7225.

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Health Information Center won nampa 1-971-673-2411, 711 TTY ika COVID19.LanguageAccess@dhs.oha.state.or.us.